

大乘集菩薩學論卷第十二

十二

清淨品第八之三

西天經三藏般若波羅蜜多梵文師賜慈門臣日昇等奉

與無量百千萬俱胝衆住十善業道後復生  
彼刹帝利婆羅門長者大種族中財物豐饒  
庫藏盈溢色相眷屬皆悉具足彼經又云若

土土

有女人得聞是藥師琉璃光王如來名號受  
持者後轉女身又文殊莊嚴佛刹功德經云  
妙吉祥言我亦恭敬是惠上菩薩光幢菩薩  
如意願菩薩寂根菩薩若有女人持是四菩  
薩名號者得轉女身後不復受

所修善如月燈經云聞瞋滅罪者如說凡愚  
不實瞋罵誹謗者安住忍伏盡諸性情皆  
罪業及於菩薩所起瞋等

論曰制止力已如前說依止力今當說故猪  
緣起中釋云若能歸依佛者不墮惡道捨此

人身得生天趣若法若僧亦同上說又慈氏

藏經云若菩薩摩訶薩離殺生者即是施與  
一切衆生無憂無怖及無悲惱驚懼毛豎以  
斯善根果報所有前際乘五趣輪溺生死海  
因是殺生造身語意一切業障自作教他及  
隨喜作由此遠離殺生輪故一切摧滅乃至  
不受其報於現身中得壽命長遠諸天及人

解脫經說菩薩淨諸罪業者諸不善法若遍  
大地而劫火起時一切所有無不燒者乃至  
譬若有人以喝叱迦汁一兩點千兩鐵而作  
黃金非彼多鐵能令少汁而逐成鐵此發一  
切智心亦復如是以一善根迴向智能攝受  
一切業煩惱障成一切法智非諸業煩惱障

能令一切智心而爲煩惱善男子又若有人持以一燈入黑暗室即時能破千年曆古之暗此發一切智心亦復如是如入一衆生心無明暗室俱能破壞百千不可說劫變古業煩惱障發智光明善男子如大龍王首戴如意摩尼寶王冠無他冤敵等怖此菩提心亦

復如是若菩薩具大悲心無有惡道冤敵等怖優波離所問經云此住大乘菩薩摩訶薩於初日分時有毀犯罪當中日分時不捨行一切智心如是菩薩得戒蘊具足若中日分時有毀犯罪當後日分時不捨行一切智心則菩薩戒蘊亦復具足我應復說如是次第

佛言優波離此住大乘菩薩或時捨戒學處然於彼菩薩勿起惡作亦勿隨轉若復於彼聲聞乘者展轉說爲有毀犯罪然聲聞人謂失戒蘊應如是知乃至廣說忍辱品第九

論曰此不遠離有多門轉而善守護令戒長

養如是離業障縛破煩惱結乃至聞忍不忍減失精進急墮俱故或復不聞不知等持方便由無方便淨諸煩惱是故解退唯聞脩習了雜亂行謂誦習勤苦依止山林彼脩行者暫息雜亂而心無等持然此止息亦等持攝尚無少果況餘淨諸煩惱設脩此觀亦云少

善乃至說淨諸煩惱法集經云此說忍有三種謂安住苦忍諦察法忍耐冤害忍安住苦忍者得究竟行對治苦怖及得除遣著樂之愛餘二種惱彼云何說謂瞋恚懈怠等月燈經云著樂之者亦不捨苦又寶雲經說若內懷憂悲苦惱者住方便調伏忍最上授所問

土十三

三

經云復次長者在家菩薩應當遠離不如理損害勿著世間八法所得妻孥及諸受用財穀豐饒不以高舉逸豫設諸衰弊亦不低下愁惱應如是觀察諸有爲相幻化所造起高舉處息滅罪報謂此父母妻子奴婢僕從親眷朋屬等彼既非我我亦非彼如有偈云若

有所幹集由何起愁惱或無所幹集亦何起愁惱爲所幹集者以癡恚惱悶絕疲憊故或執著勇悍起大過咎癡迷追悔湏臾夭壽應遠離此無益是難

論曰云何捨是愁惱謂發輕軟心者如最上華嚴經云應如勝財王童女發如是心戒諸煩惱以無能勝心破諸瞋忿以不動心於衆生海而不退墮深心境界

論曰脩習此者不以爲難如其所有愚者尙至若擔夫耕農畋獵刺苦脩習荷負鄙事微細果塵穢不淨心無悔惱况復此等諸妙樂行諸菩薩樂爲最勝事趣無上果又如諸鄙賤者少不饒益於身難作尚無廢壞但自繫念剛強領納如決勝負況復此等長時無益受諸苦惱由何於善法財少不憚取地獄治罰世間賊害獄卒守護按治無遺隨處遇會極爲痛惱使勿爲寃於久遠時無諸般

縛捍勞忍苦破煩惱賊淨盡無餘於三有中被勝甲冑執持器仗敗諸魔冤解衆生縛由先脩習以少勉苦而得成就於諸衆生脩苦樂想謂諸苦生時如其處所脩習樂想住樂想者即能成辦此果得三摩地名超諸法樂如父子集會經云佛言有三摩地名超諸法樂若菩薩得是三摩地者於諸事緣受如是樂受不苦不樂非一因緣如其處所而得樂想譬若有人以因緣故斷截手足及耳鼻等耳鼻斷已如其處所而得樂想及以鞭杖之所打扑齷如樂想或爲牢獄繫閑捶撻謂作衣者然酥燈者然油燈者碾蔗漿等者如其處所而住樂想作鷄鷄面者作師子面者燃曝熾者乃至造金錢者造飲食者供象酒等者翻如樂想或爲挑目破壞命根諸有損害及墮首等翻如樂想無苦樂想所以者何此菩薩摩訶薩如是願力長夜修作若我爲諸走使得近妙樂若我爲罪犯者亦以承事等

重恭敬供養一切時處得近妙樂若遇惡言  
譏刺打扑刀仗割截乃至諸壞命根一切所  
有得菩提樂成證阿耨多羅三藐三菩提果  
具足如是作意如是事業如是願力亦復具  
足一切衆生隨知樂想親近脩習於彼業報  
多所脩作而得超諸法樂三摩地若時菩薩

得至一切法樂三摩地者是故得大不動壞  
諸魔事由是方便圓滿一切捨施成就一切  
難行若行堅牢一切忍辱策勵一切精進助  
修一切禪定智慧是故常喜如月燈經說常  
喜尊重常住正見又無盡意經云何等爲喜  
謂喜念法清淨信樂發踊躍心不生懈怠無  
諸熱惱不求五欲之樂不離一切法樂由心  
建立身喜覺喜起適悅意樂如來身莊嚴相  
好希求善巧聽法無厭依實法行由法生喜  
愛樂淨信然於衆生覺了無礙以最勝欲勤  
求佛法不捨法欲廣大信解諸佛妙法示解  
脫乘發最上心除憚惱心若初發心施當施

上士

五

施已三輪清淨歡喜布施於妙尸羅亦常清  
淨由持淨戒攝諸毀禁而常超越諸惡道怖  
向佛禁戒堅固無毀正使佗人惡來罵辱於  
語言道心不加報樂然故忍變以尊重遠無  
憍慢兒常溫恭遠離顰蹙先以愛語無詬無  
佞淨意不邪心不麁澀見諸勝己亦無曲抑

不覘乖謬不揚佗失修和敬法於菩薩衆敬  
如佛使敬諸佛法惜過身命於諸師長如己  
父母護諸衆生猶如一子於和尚阿闍梨敬  
如佛想於諸正行皆如上首諸波羅密如愛  
手足於說法師如諸妙寶諸教令中如親五  
欲於喜足行如無病惱求勝妙法如希妙藥  
於發露者如遇良醫如是調御諸根使無懈  
怠說此是名爲喜

論曰此言學菩薩莊嚴者如大雲經說若樂  
地獄傍生者於地獄趣心常戒定雖處獄城  
而得如旅泊又樂地獄者於地獄趣心生愛  
著及與憚惱令地獄火轉復熾盛

論曰說安住苦忍者故海意經云有三種忍佛言海意此菩薩摩訶薩如其所發一切智心寶中或爲非人毀犯淨戒謂若諸魔魔民及天魔后魔力所持令魔使者固來侵害震擊動搖期尅打擲當於是時此大菩提發深固心令無所壞亦復不壞大悲精進解脫一切衆生亦復不壞令三寶種紹隆不斷亦復不壞請佛法中於此相應積集善本亦復不壞成辦相好修習福行亦復不壞勇力精進嚴淨佛土亦復不壞求一切法不惜身命亦復不壞度諸衆生不著己樂是中深心具如意若爲一切衆生之所惡賤或遇瞋恚譏毀罵辱及諸打擲悉能忍受至若一切衆生以惡心來逼惱摧壓亦悉堪任不疲不懈不退不沒勇猛精進勢力發現捍勞忍苦起攝受心又若有人以惡心來若瞋若罵若害逼惱忿恚打擲於如是心悉不加報乃至設復有人於十方界執諸器仗逼逐其後彼地方

所若行若住若坐若臥是中若遇一人發菩提心修布施心乃至脩智惠心者聞彼發起一善根心我當即至彼地方所正使斷割其身節節支解如棗葉量於是等事我悉堪忍又若世間一切衆生皆起嗔恚巧出惡言罵辱譏毀加以斷割其身節節支解如棗葉量我當是時於此衆生終不爲起少分動擾之心所以者何然我此身於過去際無量無數生死輪轉靡所不造或處地獄畜生琰魔羅界乃至今在人趣耽味飲食諸欲受用聽受非法艱苦追求邪命資養多種逼迫然於身命曾無果利雖復種種多所營作緣此不能自利利他設復生死最後邊際使諸衆生於我身分斷割支解寧受衆苦我終不捨一切智心亦復不捨一切衆生及善法欲所以者何然我此身多種逼惱苦切殘毀比地獄苦百分千分乃至優波尼刹疊分不及其一又復於佛法中不捨大悲所緣一切衆生以要

言之若有因緣起嗔恚者我當以法斷除云  
何爲法所謂愛樂於身繫屬於身取著於身  
捨是身者即捨瞋恚佛言海意於如是法聚  
而趣入者即能堪任一切衆生之所逼惱乃  
至不惜其身而能棄捨亦不愛樂者此即能  
修布施波羅蜜多復次若遇身欲壞時大慈

士一

七

不捨一切衆生此即能修持戒波羅蜜多若  
遇身欲壞時如義解脫堪任忍受忍力發現  
亦不動擾其心此即能修忍辱波羅蜜多以  
勤勇力不捨攝受一切智心於生死中發諸  
善行此即能修精進波羅蜜多復次若身壞  
時於心發現一切智寶不捨菩提如實觀察

是即名忍又般若云若諸衆生有所諍覓應  
發是心我當勸勉我今於此諍覓得無難遇  
若諍覓者及所諍事然我於諸衆生爲作橋  
梁我若爲他惡罵毀訾汝何此語不應加報  
但類癡人及若啞羊不起鬪諍他或惡來醜  
言罵辱於語言道心無損害親近於他我應  
善語不似於彼起斯過咎乃至若我聞他過  
失亦不似彼所以者何我意無怒故又若一  
切衆生所湏妙樂者我當與彼衆生妙樂乃  
至涅槃成證阿耨多羅三藐三菩提然我於  
他終不起嗔及與自他起愚癡行唯修堅固  
精進以精進故設壞身命而無恚惱不生顰

蹙又菩薩別解脫經云若於恚怒衆生如是  
安慰極善安慰住此忍者得隨順法喜

大乘集菩薩學論卷第十二

土十三

大乘集菩薩學論卷第十三

土十三

西漢經藏類表談述少智宣梵天師賜悉沙門臣曰稱華 聲

精進波羅密多品第十  
論曰雖聞住如是忍發生精進然於此未聞  
尚起毀犯如月燈經偈云  
懺法不護戒 爲得幾多福 破戒縱多聞  
無能免惡道

十三

論曰由聞具勝能者那羅延所問經云善男子如所聞解得勝恵性若聞息除煩惱令煩惱魔皆不得便是中廣如最上大仙本起經云菩薩摩訶薩具足深心尊重法欲住餘世界現諸佛前隨所聞法若菩薩摩訶薩精進

法欲於山林中貯法伏藏得無量經典法門  
如置掌中又諸菩薩精進法欲而得佛現前  
及諸天等與佛辯才乃至命欲將盡爲佛世  
尊及諸天等增益壽命及與色力住命千歲  
非本所求爲佛諸天共加持故乃至求住一  
劫又諸菩薩生法尊重爲佛世尊除老病苦  
得授正念及通達辯才乃至得授正見隨見  
能說又若菩薩摩訶薩精進法欲無他一切  
冤敵等怖是故精進多聞資糧善巧菩薩精  
習得如是等

論曰菩薩聞幾種行入解毗奈耶如無盡意  
經云由聞八十種行而能入解所謂欲行深  
心行深固心行極相應行無倨傲行不放逸  
行恭敬行極尊重行離名相行善言行承事  
行聞利益行作意行不散亂行無住行寶想  
行藥想行消除一切疾病行念器行達解行  
意喜行悟入行聽聞佛法無厭行廣捨行了  
知調伏行親近多聞行喜樂客受所作行身